

ტურნირის წესები

1. თევზაობა დაშვებულია მხოლოდ ტივტივით. მატჩის ანკესის ჯოხით, ბოლონიური ტიპის ანკესის ჯოხით, მოსაქევი ანკესის ჯოხით და შტეკერით.
2. აკრძალულია ფიდერის, კარპის და სპინიგის ჯოხებით თევზაობა.
3. აკრძალულია ყველა სახის სათევზაო ელექტრონული მოწყობილობის გამოყენება.
4. შეჯიბრი ჩატარდება მხოლოდ ინდივიდუალურ ჩათვლაში. სანაპირო ზოლში იქნება ერთი ზონა, რომელიც დაყოფილი იქნება 10 მეტრიან სექტორებად, რომლებიც დანომრილი იქნება მონაწილეთა რაოდენობის მიხედვით. სექტორებში მსაჯების გარდა უცხო პირთა შესვლა კატეგორიულად აკრძალულია.
5. თევზაობა ნებადართულია მხოლოდ ერთი ანკესით. მეთევზეს უფლება აქვს იქონიოს ერთი ან მეტი სათადარიგო ანკესი აწყობილ მდგომარეობაში, რომელიც უნდა იყოს მოთავსებული სექტორის ფარგლებში.
6. დამატებითი აღჭურვილობის და საკვების შეტანა სექტორში ტურნირის მსვლელობის დროს კატეგორიულად აკრძალულია.
7. თევზჭერა ნებადართულია მხოლოდ ერთი ცალფა ნემსკავით.
8. კატეგორიულად აკრძალულია წყლის ზედაპირზე დაწვენილი ტივტივით თევზაობა. თევზის ჩარტყმას უნდა განიშნებდეთ ტივტივა და არა ჯოხი. აქედან გამომდინარე ტივტივა უნდა იყოს ვერტიკალურ მდგომარეობაში და უნდა ჰქონდეს დადებითი ცურვადობა, წინააღმდეგ შემთხვევაში მსაჯების მიერ მიღებული იქნება სანქციები.
9. ტივტივა შეიძლება გამოყენებული იყოს როგორც სრიალა (სკალზიაში) ასევე ფიქსირებული.
10. დასაკვებად დასაშვებია ნებისმიერი დამატებითი საკვები. მაქსიმალური რაოდენობა 15 ლიტრი. დაკვება უნდა წარმოებდეს ხელით და შურდულით. აკრძალულია დაკვება სხვა ნებისმიერი საშუალებით.
11. დასაშვებია ნებისმიერი ცხოველური ან მარცვლეული სატყუარა, რომლის წამოცმაც შესაძლებელია ნემსკავზე. აკრძალულია ცომისებური სატყუარები, თევზის ლიფსიტა, თევზის ნაწილები ან ქვირითი. თმისანი მონტაჟი აკრძალულია.
12. დაჭერილი თევზის მოსათავსებლად ნებადართულია მხოლოდ რბილი მასალისგან დამზადებული შესანახი ბადეები, ლითონის ბადეები კატეგორიულად კრძალულია დიდი თევზის დაჭერის შემთხვევაში მონაწილე ვალდებულია ამის შესახებ შეატყობინოს მსაჯთა ბრიგადას, რის შემდეგაც მისი ნადავლი აიწონება, წონა ჩაიწერება სპორტსმენის პირად ოქმში და თევზი დაუყოვნებლივ დაუბრუნდება წყალსატევს.
13. აწონვის შემდეგ დაჭერილი თევზი უნდა დაუბრუნდეს მშობლიურ წყალსატევს.
14. კატეგორიულად აკრძალულია ტურნირში არაფხიზელ მდგომარეობაში მონაწილეობა ან ალკოჰოლური სასმელების მოხმარება ტურნირის მსვლელობის დროს.
15. წყალში შესვლა და თევზაობა კატეგორიულად აკრძალულია. წყალში შესვლა შეიძლება მსაჯისგან ნებართვის აღების შემთხვევაში (გამოუვალი მდგომარეობის დროს) ზემო აღნიშნული წესების უხეში დარღვევის შემთხვევაში მსაჯთა კოლეგიას უფლება აქვს მოახდინოს მონაწილის დისკვალიფიკაცია ტურნირიდან და ბათილად სცნოს მისი მონაწილეობის შედეგი.